



BOSNA I HERCEGOVINA  
AGENCIJA ZA LIJEKOVE I MEDICINSKA SREDSTVA  
БОСНА И ХЕРЦЕГОВИНА  
АГЕНЦИЈА ЗА ЛИЈЕКОВЕ И МЕДИЦИНСКА СРЕДСТВА



Broj: 04-07.3-6-1736/25  
Banjaluka, 24.02.2025. god.

**NOSIOCIMA DOZVOLA ZA STAVLJANJE LIJEKA U PROMET U BiH  
n/r odgovornim osobama za stavljanje lijeka u promet**

**PREDMET: Informacija**, dostavlja se – Godišnji izračun maksimalnih veleprodajnih cijena lijekova za 2025. godinu i prijava prijedloga veleprodajnih cijena novoodobrenih lijekova

Poštovani,

Ovim putem vas obavještavamo da Agencija za lijekove i medicinska sredstva Bosne i Hercegovine i ove godine, u skladu sa važećim **Pravilnikom o načinu kontrole cijena, načinu oblikovanja cijena lijekova i načinu izvještavanja o cijenama lijekova u Bosni i Hercegovini** („Službeni glasnik BiH“, br. 3/17) - u daljem tekstu: Pravilnik, provodi Godišnji izračun maksimalnih veleprodajnih cijena lijekova za 2025. godinu.

Dan godišnjeg izračuna za tekuću godinu je definisan u članu 16. Pravilnika kao prvi ponedjeljak u martu, konkretno za 2025. godinu, dan godišnjeg izračuna maksimalnih veleprodajnih cijena lijekova je **03.03.2025. godine**.

U skladu sa članom 6. stav 2) Pravilnika, za referentnu državu Hrvatsku će se koristiti najviše dozvoljene cijene lijekova na veliko dostupne na zvaničnoj internetskoj stranici Hrvatske agencije za lijekove i medicinske proizvode pod linkom <https://www.halmed.hr/Promet-proizvodnja-i-inspekcija/Najvisa-dozvoljena-cijena-lijeka-na-veliko/Popis-lijekova-s-odredenom-najvisom-dozvoljenom-cijenom-na-veliko-i-iznimno-visom-od-najvise-dozvoljene-cijene-na-veliko/>

Podsjećamo vas na obavezu, u skladu sa članom 13. Pravilnika, da u roku od 60 dana od dana godišnjeg izračuna (do **02.05.2025. godine**) ovoj Agenciji dostavite prijedloge veleprodajne cijene lijekova, za koje ste nosioci dozvola za stavljanje istih u promet u Bosni i Hercegovini (BiH), oblikovane prema odredbama Pravilnika. Za navedeno ćete, kao i prethodnih godina, koristiti web-aplikaciju, a detaljna uputstva za korištenje aplikacije ćete dobiti putem elektronske pošte.

Po isteku ovog perioda, Agencija će na svojoj internet stranici objaviti maksimalne veleprodajne cijene lijekova koji imaju dozvolu za stavljanje u promet u BiH i čiji režim izdavanja nije „Lijek se izdaje bez ljekarskog recepta“. Sva pravna lica koja se bave prometom



BOSNA I HERCEGOVINA  
AGENCIJA ZA LIJEKOVE I MEDICINSKA SREDSTVA  
БОСНА И ХЕРЦЕГОВИНА  
АГЕНЦИЈА ЗА ЛИЈЕКОВЕ И МЕДИЦИНСКА СРЕДСТВА



istih na teritoriji BiH, u obavezi su pridržavati se navedenih, odnosno, ne smiju prometovati lijekovima sa veleprodajnim cijenama koje su iznad objavljenih na internet stranici ove agencije.

Dodatno vas obavještavamo da je neophodno da, u skladu sa članom 14. Pravilnika i odobravanjem veleprodajne cijene lijeka koji prvi put dobija dozvolu za stavljanje u promet, ovoj agenciji dostavite prijedloge veleprodajnih cijena novoodobrenih lijekova u roku do 14 dana od dana isteka tromjesečnog perioda u kome je lijek dobio dozvolu za stavljanje u promet. Tromjesečni periodi se računaju od dana godišnjeg izračuna, odnosno kako je navedeno u Tabeli 1. Za navedeno, kao i za godišnji izračun, neophodno je koristiti web-aplikaciju. Za izračun je neophodno koristiti važeće cjenovnike i kursnu listu na dan godišnjeg izračuna - prvi radni ponedjeljak u martu (za 2025. god. to je 03.03.2025. god).

**Tabela 1.** Periodi dostavljanja prijedloga cijena novoodobrenih lijekova nakon dana godišnjeg izračuna 2024. godine

|                               | period dobijanja dozvole za stavljanje u promet (datum rješenja) | perid za prijavu putem aplikacije i za dostavljanje štampanih obrazaca na Protokol ALMBiH |
|-------------------------------|--|---|
| <b>I tromjesečni period</b>   | <b>04.03.2025. – 03.06.2025.</b>                                 | <b>04.06.2025. – 18.06.2025.</b>  |
| <b>II tromjesečni period</b>  | <b>04.06.2025. – 03.09.2025.</b>                                 | <b>04.09.2025. – 18.09.2025.</b>  |
| <b>III tromjesečni period</b> | <b>04.09.2025. – 03.12.2025.</b>                                 | <b>04.12.2025. – 18.12.2025.</b>  |
| <b>IV tromjesečni period</b>  | <b>04.12.2025. – 27.02.2026.</b>                                 | <b>02.03.2026. – 16.03.2026.</b>  |

ALMBiH će objavljivati maksimalne veleprodajne cijene novoodobrenih lijekova četiri puta godišnje (u razmaku od 90 dana).

S poštovanjem,



**DIREKTOR**

Prim. mr ph. Nataša Grubiša, spec.

Dostavljeno:

- 1) [www.almbih.gov.ba](http://www.almbih.gov.ba),
- 2) Inspektoratu Agencije;
- 3) a/a

Veljka Mladenovića bb, 78000 Banja Luka  
Centrala: +387 51 456 040; 456 050  
Faks: +387 51 450 30  
E-mail: [info@almbih.gov.ba](mailto:info@almbih.gov.ba)  
[www.almbih.gov.ba](http://www.almbih.gov.ba)

Велјка Млађеновића бб, 78000 Бања Лука  
Централа: +387 51 456 040; 456 050  
Факс: +387 51 450 30  
E-mail: [info@almbih.gov.ba](mailto:info@almbih.gov.ba)  
[www.almbih.gov.ba](http://www.almbih.gov.ba)